



**Antoninus Diana Panormitanus, Clericus Regularis, Doctor
Celeberrimus, Coram S. D. N. Alexandro VII. Episcoporum
Examinator, & Sancti Officij Regni Siciliæ Consultor,
Coordinatus, Seu Omnes ...**

Diana, Antonino

Lugduni, M. DC. LXXX.

26. An Pontifex possit errare approbando, vel reprobando aliquem
contractum, & agitur de Monte pietatis? Idem potest quæri de aliquo actu,
an sit Symoniacus, vel non? Et etiam quæritur, an pontifex ...

[urn:nbn:de:hbz:466:1-76442](https://nbn-resolving.de/urn:nbn:de:hbz:466:1-76442)

RESOL. XXV.

Qua certitudine credendum est Papam, non posse errare in approbatione Religionum? Ex part. II. tract. addit. 2. Ref. etiam 25.

S. I. R. Espondeo hanc conclusionem esse de fide; Ita docet Amicus in cursus theol. tom. 4. disp. 7. fol. 3. num. 79. Franciscus del Castillo in 3. sent. tom. 3. disp. 16. quest. 9. n. 8. in fine. Castrus Palau tom. 1. tract. 4. disp. 1. punct. 5. §. 6. num. 6. vbi sic ait: Cum Pontifex Religionem aliquam approbat, approbat vita aliquod institutum sub voto paupertatis, castitatis, & obedientiae, tanquam avertissum, & Evangelio nimis conforme ad salutem consequendam, hoc autem institutum, & continet finem aliquem ad diuinam gloriam, & salutem eternam pertinentem, & insuper inedia aliqua, quibus hic finis obtineri potest: Dicendum ergo existimo de fide esse, non posse Pontificem in approbatione huius finis, & medicorum, quae sibi proponuntur, errare; ita ut approbet tanquam consentaneum Evangelicae perfectionis quod vere consentaneum non sit. Ita ille.

2. Vnde ex omnibus superiorius dictis sequitur, Pontificem non potuisse errare in approbando institutionem nostrae Religionis Clericorum regularium Theatinorum viuendi absque redditibus, nec petendi directe, vel indirecte elemosynas, sed ex sponte oblati viuere, & qui contrarium diceret, severa censura dignus esset ex rationibus superiorius adductis.

3. Ex quibus inferit etiam Pater Amicus, vbi sup. n. 83. ad finem pertinere, quod Gregorius XII. in Bulla: *Quanto fructuosis edita anno 1582. Calendis Febr.* declarauit esse verè, & propriè Religiosos, eos, qui in ipsa Societate admissi biennio probationis peracto, tria vota simplicia emittunt, non minus, quam si in Professorum numerum adscripti essent.

4. Quam doctrinam sequuntur multi docti Theologi. Et ratio est, quoniam hoc spectat ad substantiam nostrae Religionis; spectat enim ad peculiarem quendam gradum nostrae Religionis constantem ex scholasticis approbat, qui in nostra Religione substantialis est. Quare sicut non potuit Pontifex in reliquis gradibus eiusdem Religionis approbadis errare; ita neque in hoc, cum ex omnibus gradibus constet substantialis, perfectio nostræ Religionis. Ita Amicus, quod etiam docuit ex eadem Religione Pater Turrianus in 2.2. D. Thome disp. 16. dub. 2. Sed circa presentem questionem ne deferas videre Ioannem de Sancto Thoma in 2.2. disp. 9. art. 2. fol. 776. vbi fitur Pontificem errare non posse in approbatione aliquam Religionis, & qui oppositum diceret ad minus tanquam temerarius, & scandalosus, & errori proximus haberetur, & responderet postea ad argumenta Caietani, & Sotii.

RESOL. XXVI.

An Pontifex possit errare approbando, vel reprobando aliquem contractum, & agitur de Monte pietatis?

Idem potest queri de aliquo actu, an sit Simoniacus, vel non?

Et etiam queritur, an Pontifex habeat infallibile indicium de propositionum philosophicarum probabilitate? Ex part. II. tract. addit. 2. Ref. etiam 26.

S. I. Idem potest queri de aliquo actu: An sit peccatum simoniae, vel non? & quidem Caietanus tom. 2. opus superiorum tract. 6. Sotius 6. de inst. quest. 1.

art. 6. agentes de Monte pietatis, putarunt definitionem Leonis X, in Concilio Lateranensi. §. 10. qua definit, eum montem non esse usuratum, ad fidem non pertinere, quia existimant naturas contractuum potius esse explicandas à Philosophis moralibus: & licet de quadam definitione in specie loquantur, sed videntur supponere uniuersalem doctrinam: si enim in explicanda natura unius contractus usurarij errare potest, poterit in aliis, omnesque similes definitiones poterunt in dubium reuocari.

2. Sed omnino contrariam sententiam tenent communiter Theologi: & ideo Malderus in 2.2. D. Thomas, quest. 1. art. 10. disp. 6. propos. 5. sic afferit: Non potest Pontifex errare, quando tota Ecclesia ex Cathedra declarat aliquem contractum esse licitum, aut illicitum, & usurarium. Hoc enim sanctitas Ecclesiae postulat, ut non profiteatur bonum, malum, aut malum, bonum. profiteretur autem, si caput eius ita prescriberet. Ita ille.

3. Et quidem id spectat ad authoritatem Pontificis, quia cum sit Summus Pastor, habere debuit infallibilium potestatem salubriter pascendi oves Christi; valde autem diminuta foret eius potestas, si non se extenderet ad huiusmodi leges declarandas. Nec refert, quod earum delatatio proxime pendeat ex natura talium legum, & ex philosophia morali, non ex scriptura sacra, nam ea Pontifex non deficit, quatenus veritates philosophicae sunt, sed quatenus sunt praecepta morum; ad salutem necessaria, ad qua definita habere debet infallibilem assistentiam Spiritus sancti, ne definiat, & declarat, quod contrarium est saluti hominum. Constatuit, nam etiam Clemens V. in Concilio Vienensi declarauit, animam rationalem esse veram corporis formam, que veritas proxime ex philosophia pendet, quia tamen dirigit ad doctrinam fidei, potuit, & de facto fuit à Pontifice authenticè definita, adeò ut haereticus sit censendus, qui contrarium docet, atque ex his solutum manet fundamentum Soti.

4. Vide etiam Turrianum tom. 1. disp. 16. dub. 2. Bellarmin. lib. 4. c. 10. Bañez in 2.2. q. 1. art. 10. dub. 6. Vnde P. Molina lib. 2. de inst. disp. 3. 25. agens de cito definitione Leonis, meritò reprehendit doctrinam Soti, & Caietani, & ferè videtur lensus Ecclesiæ; recipit enim Ecclesia has definitiones tanquam omnino certas, & indubitate veritatis. Et ratio huius doctrinae esse debet, quia esset contra sanctitatem Ecclesie, si Pontifex posset iniustum natura sua contractum proponere ut rem iustum, quae res cum ad mores pertinet, magni momenti est, neque esset à Christo sufficienter prouisum, si Ecclesia caput hoc modo errare posset, quod non est illo modo concedendum, & certè cum veritas istarum rerum valde sit necessaria, necessarium etiam fuit, ut in eam declaratione Pontifex errare non posset.

5. Vide etiam Verricelli in quest. moral. tom. 1. tract. 8. quest. 25. num. 9. afferentem, quod Mons. Pieratis à Leone X. licitus declaratus, de fide est, quod sit iustus. Ita recte Nauarrus comment. de usuris num. 59. Sotius, & Caietanus graueriter reprehendit immodestiam, & irreverenteria erga Sedem Apostolicam & Concilium Generalia, displicet mili, viros tam doctos lugillare, sed necessarium est in re tam graui: Et quidem contra Caietanum, & Sotium insurgit ex Dominicanorum familia Magister Ioannes de S. Thoma in 2.2. q. 1. disp. 9. art. 3. fol. 777. vir quidem sapientissimus.

6. Dico igitur contra supradictos omnino certum esse Montes pietatis, & laudabiles, & ab omnibus usurpare immunes esse. Probatur auctoritate Concilij Generalis Lateranensis sub Leone X. sess. 10. vbi

vbi Pontifex, re maturè discussa, & collatis vtriusque partis rationibus, tandem sacro Concilio approbante definit montes in quibus pro ministrorum impensis, & sola montium indemnitate aliquid moderatum ultra fortem accipitur esse laudabiles, & meritorios, & Concil. Trident. sess. 22. cap. 11. & sèpè ante inter pia loca Montes pictatis numerat, & Doctores communiter consenserunt. Sotus resp. Cajet. qui Concilio interfuit, scripsisse post Concilium contra Montes, & tamè à nullo fuisse reprehensum. Deinde afferere originalem Bullam habere aliquam limitationem, quam non habet decretum, quod circumferitur: Sed Sotus errat grauiter. Primo enim non scripsit Cajet, post Concilium, sed septendecim annis ante hanc definitionem, vt patet legenti, & Acta Concilij & finem opusculi Cajetani. Secundò non interfuit tanquam Cardinalis, sed tanquam Magister Ordinis, postea enim factus est Cardinalis. Tertiù, hanc, quam citamus definitionem, approbavit Cajetanus, quia suffragium rogatus annuit; eum enim singuli suffiissent nominis interrogati, nemo contradixit prèter Archiepiscopum Transcasalem 4. in isto opusculo, non agit de definitione facta à Concilio, quæ, vt dixi 17. annis post illud opusculum est edita) sed Bulla aliqua Pontificis alicuius præcedentis, quæ continebat approbationem montium. Vnde Sotus non subficit. Insistendum ergo est definitioni generali Concilij (quæ etiam ad montes postea erigendos extenditur) vt ibi declarat Pontifex: fundamentum est, quod habeat ius seruandi se indemnem; atqui moderatum illud, quod datur, est ad indemnitatē montium, & ad compensandas obligationes, & contra, quæ subeunt mutantes in gratiam communitatis.

7. Dices cum Cajetano, & Soto locis supra citatis pignus datur in utilitatem solius mutuantis, & secundariam debiti acquirendi suo tempore; ergo illi soli incumbit cura illud custodiendi. Ergo iniustum est exigere à pauperibus pro hoc labore salarium, sicut quādo aliquis de commodato ob ipsius solius utilitatem, commodatarius debet facere sumptus, qui sunt negligari ad conseruandam rem commodatam, non vero commodator. Respondebitur primum falso assumi, quia secundum iura creditor habet actionem contraria pignoratitiam contra debitorem ad recuperandum omnes sumptus necessarios, quos fecit in conservando pignore, l. si necessarias, ff. de pignor. art. immo etiam & utiles l. imponas, ff. de verb. signific. Vnde si pignori des mihi equum, debes solvere expensas factas upon solū in alimēta equi, sed etiam in familiū, qui custodit equum, vt haber Barthol. in l. Interdum, qui patiores in pignore. Ergo stando in iure communii, debent præfectis montium omnes expensas necessarias, & utiles factæ in conservatione pignorum, & per consequens famuli, quibus illa cura incumbit debent ali à mutuantaris.

8. Obseruandum verò est cum Turriano loc. cit. eodem modo, ac de viuario contractu loquendū est, cum Pontifex declarat aliquam conventionem esse simoniacam, & de vitio simoniae in specie loquitur

Bañez supra, & planè sentiunt Doctores, qui docent Pontificem non posse proponere toti Ecclesiæ, vt honestum aliquid, quod reuera peccatum est, quod maximè decet sanctitatem Ecclesiæ. Et idem iudicium est, quando Pontifex declarat ex aliquo peccato non oriū obligationem restituendi, scut de simonia mentali docuit Gregorius cap. fin. de simonia, vii multi putantur; & ideo falso Bartholomaeus Medina in summ. l. 2. §. 21. cap. 14. dixit, Pontificem ibi sequutum esse opinionem probabilem, sed contrariam esse probabiliori, niemp̄ mentalem simoniā obligare ad restituitionem;

Sup. hoc in tom. 1. tract. 7. R. 22. §. vlt. & in Rec. 23. p. totam & in aliis eius secunda not.

9. Falsa est igitur sententia Medinæ, qui admittit declarationes Pontificiū in decretalib⁹ posse esse falsas in decretis harum rerum, quæ ad mores pertinent, arque ad eos cogitus fateti posse aliquid reuera in honestum, vt honestum proponere toti Ecclesiæ, mirum verò est Cajetanum, Sotum, & Medinam viros doctos, & pios ira sentire de potestate Pontificis in his, quæ ad mores pertinent.

10. Nec obstat contra superiori dicta authoritas Melchioris Cani l. 5. a. 5. vbi docet, posse Pontificem in iudicio circa personas priuatas, & Ecclesiæ particulares errare præcipiendo, vel prohibendo aliquid, quod rationi, & Euangelio contrarium est, & adhibet exemplum de illo, qui occulē vna vxore habita, alteram publicē ducit, in quo casu præcipit Ecclesia, vt priori relicta, posteriorem accipiat. Nec inquam, hæc obstant; nam respondeo cum Amico ubi sup. ad exemplum adductum, vel negandum est posse Pontificem in tali casu, si constet de legitimo matrimonio cum priori uxore, cogere virum, vt relicta priori posteriore accipiat; vel certè declarat tunc Pontifex prius matrimonium, præfertim vbi Concilium Tridentinum receptum est, non fuisse validum defecitu publicitatis in contractu matrimoniali requisita. Quanquam posset in hoc Pontifex errare, cum pendat ex facto, an nimis prius matrimonium fuerit validum. Licet semper in huiusmodi casibus standum sit iudicio Pontificis.

11. Sed hic obiter quæro, an Pontifex habeat infallibile iudicium de propositionum philosophicarum probabilitate? Respondeo, non videtur de talibus Pontificiū debere iudicare, nisi inter sit fidei eiusmodi propositionem probabilem haberi: quod modo Clemens V. in Concilio Viennensi definivit erroneum esse, si quis dixerit animam rationalem non esse formam corporis humani per se, & essentiam, & Leo X. in Concilio Lateranensi præcipit philosophi, vt pro posse Christianam fidem contra philosophorum argumenta adstruant. Vbi acta habent, Cajetanum interrogatum respondisse, sibi eam partem Bullæ non placere, qua præcipitur philosophi, vt publicē suadendo doceant veritatem fidei. Verum recte poterat statui, vt saltem contraria philosophorum argumenta solvendo, quæ omnia solubilia sunt philosophiæ Professores propugnant dogmata fidei. Et hæc omnia docet Malderus in 2.2. D. Thoma q. 1. art. 10. diff. 6. prop. 6.

An clausis oculis standum sit Decretis Pontificiis? Ex part. 11. tract. 1.
Ref. 15. Qua nunc inuenietur tom. 6. tract. 1. Ref. 27.